



Inatsisartunut ilaasortaq Erik Jensen
-/ MAANI

**Soraarnerussutisianut immikkoortumi aaqqissuusseqqinnissamik pilersaarut
pillugu § 37 naapertorlugu apeqqu 92_2025**

Brevdato: 28-07-2025
Sagsnr. 2025 – 12436
2025 - 9872
Akt id. 25538668

Manna § 37 naapertorlugu apeqqummut siuliani taaneqartumut akissummut *ilaassutit*
nassiunneqarput.

**1. Attassiinnarnissamut ineriartortitsinissamullu pilersaarut 2
Naalakkersuisut sulii attappaat?**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

Aap. Naalakkersuisut 2025-mi junip qaammataata affaata aappaani
Attassiinnarnissamut Ineriartortitsinissamullu Pilersaarut 2-mut ukiuni sisamani
malitseqartitsinissami suliaassanut pilersaarut akueraat. Sulinissamut pilersaarut
Inatsisartut Aningaasaqarnermut Akileraartarnermullu Ataatsimiititaliaannut juulip
aallartinnerani ilisimatitsissutitut nassiunneqarpoq.

**2. Attassiinnarnissamut ineriartortitsinissamullu pilersaarut 2
tunngavigalugu aaqqissuusseqqinnerit attanneqanngippata, innuttaasut
akileraarutaat tamarmik aamma sulinerminni akileraarutaat, qassi
procentimik 2033-imi qaffaaffigineqarsinnaanissaanik
kinguneqarsinnaava?**

Akissut:

Attassiinnarnissamut Ineriartortitsinissamullu Pilersaarut 2-p novembarimi 2023-mi
saqqummiunneqarnerani, sunniuteqarluartunik aaqqissuusseqqittoqartinnagu
suliniuteqartoqartinnaguluunniit 2033-2050-imi pisortat pingaarnertut angusaanni
agguaqatigiissillugu amigartoorutaasussatut ilimagisat iliuuseqarfiginiarlugit, inunnut
akileraarutip 14,5 procentinik qaffannissaa pisariaqartoq taamanikkut
Naalakkersuisuusunit naatsorsorneqarpoq. Tamatumani attassinissamik naatsorsuinerit
siunissami pisortat aningaasaqarnerisa ataatsimoortup attanneqarsinnaannginneranik
takutitsinera tunuliaqutaralugu. Attassinissamut ajornartorsiut tamanna sulii pivoq.
Apeqqu 1-imut akissut naapertorlugu Naalakkersuisut tamatuma iliuuseqarfiginissaa
siunertaralugu siunnerfeqartumik suliniarput, taamami annertussusilimmik akileraarutininik
qaffaaneq kissaatiginartuunngilluinnarmat.

3. **Utoqqalinersianut ileqqaartussaataaneq atorunnaarsinneqassappat, pisortat aningaasartuutaat qanoq annertutigisumik kr-inngorlugu ukiumut qaffakkiartornissaat isikkoqassava?**
- a. **akussutissiaq ukiuni tullerni 25-ini qanoq isikkoqalersinnaanera aamma paaserusunnarpoq.**

Akissut:


Naalakkersuisuusimasut avataanit misissueqqissaarnermik ima qulequtaqartumik suliaqartitsipput *"Soraarnerussutisiaqalernissamut aaqqissuussinermut peqataasussaataaneq pillugu inatsit pillugu nalilersuineq"*, taannalu novembarimi 2024-mi saqqummerpoq. Tassani ilaatigut soraarnerussutisiaqalernissamut aaqqissuussinermi peqataasussaataanikkut pisortat aningaasaqarneq atuutsillugu pisortat aningaasaqarnerata iluanaarutissaasa annertussusaat nalilernerqarpoq. Naatsorsukkat taakku maanna apeqqummut akissuteqarnermi tunngavigineqarput.

Naatsorsuineri soraarnerussutisiaqalernissamut ileqqaakkat kittaartumik pilierartornerat, innuttaasut katitigaanerisa ineriartornissaannik ilimagisat utoqqalinermilu soraarnerussutisianik ilanngaassisarneq pillugu malittarisassat atuuttut sillimmartaarfigineqarput, tassanilu taaneqartut kingulliit marluk piffissap ingerlanerani allanngorsinnaapput.

Naliliineq peqatigisaanik pisortat utoqqalineri soraarnerussutisianut aningaasartuutaasa soraarinnigortut annertusiartortumik sulisartutut inuunerminni ukiuni amerliartortuni soraarnerussutisiaqalernissamut aaqqissuussinermut peqataasussaataanerit ilaasimanerannik aallaaveqarpoq.

Tunngaviusumik takorluukkami utoqqalineri soraarnerussutisiani annertunerusumik ilanngaassinerit kingunerisaannik pisortat aningaasartuutaasa qanoq annertutigisut ileqqaarneqarnerat naatsorsorneqarpoq. 2050-ikkut aallartinnerat tikillugu ileqqaarutit ukiumut 28 mio. kr.-t missaat angullugit annertussuseqalernissaat, naatsorsuinerit takutippaat. Kingorna ineriartorneq allanngussaaq, taamaalilluni 2070-imi ileqqaarutit 100 mio. kr.-ngajannut annertusissallutik. Tamanna 2070-imi soraarnerussutisiaqalernissamut aaqqissuussinermut peqataasussaataanerup atuutinngissinnaanerani ataatsimut aningaasartuutissatut ilimagineqartut 14 procentiisa missaannik ileqqaaruteqarnermik naleqarpoq. Piffissap ingerlanerani ineriartorneq ujartorneqartoq naliliineri nalunaarusiami titartakkami tulliuttumik takutinneqarpoq:

Mio. kr.
(2022-mi akit)



Najoqqutaq: HBS & BDO. Soraarnerussutisiaqalernissamut aaqqissuussinermut peqataasussaatitaaneq pillugu inatsimmik naliliineq (november 2024)

Nalunaarsugaq: Naatsorsueqqissaartarfimmit Akileraartarnermullu Aqutsisoqarfimmit nalunaarsuineramik paasissutissat tunuliaqutaralugit nammeneq naatsorsukkat.

4. Utoqqalinersianut ileqqaartussaatitaaneq atorunnaarsinneqassappat, pisortat siunissaq ungasinnerusoq aallaavigalugu tamanna aningaasatigut kisimik nammassinnaavaat?

a. Tamanna qanoq innuttaasut sinnerinut aammalu pisortanut sunniuteqassava?

Akissut:

Naamiugallarteq. Tamanna minnerunngitsumik pissutsinik marlunnik tulliuttunik patsiseqarpoq:

1. Pisortat aningaasaqarnerat maannakkut attanneqarsinnaanngilaq. Aningaasaqarnermut Siunnersuisoqatigiit attassisinnaanermut naatsorsugaata nutaanerpaap (*Policy Brief 2024:1. "Pisortat aningaasaqarnerat patajaatsoq - 2024-mut Kalaallit Nunaannut makroøkonomimut periutsumik nutarsaaneq"*) 2020-kkut naanerannit siumullu pisortat ataatsimut aningaasaqarnerata amigartoorutissaat, pisortat aningaasaqarnerannik ingerlatsineq attanneqarsinnaassappat, ukiumut aningaasalersuutissanik amigartoorutit 750 mio. kr-t missaannik annertussusilinnik naleqarnerat (2021-mi annertussutsit atorlugit naatsorsugaq) takutippaat.
2. Soraarnerussutisiaqalernissamut aaqqissuussinermut peqataasussaatitaaneq pillugu inatsimmik atorunnaarsitsineq, tak. apeqqu 3-mut akissut, attassinissamik ajornartorsiummik ajornerulersitsissaaq. Soraarnerussutisiaqalernissamut aaqqissuussinermut peqataasussaatitaaneq pillugu inatsimmik tamakkiisumik atorunnaarsitsinissamut taamaalilluni pisortat missingersuutaannik aamma/imaluunniit akileraarutit akitsuutillu qaffannerannik taamaalilluni tunngavissaqartussaassaaq.

5. Utoqqaat pilersorneqartariaqartut amerliartornerat illuanilu sulisartut ikiliartornerat sunik qanorlu aaqqiiviginialugit Naalakkersuisut pilersaaruteqarpat?

Akissut:

Taanna pillugu Naalakkersuisut Attassiinnarnissamut Ineriartortitsinissamullu Pilersaarut 2-mut suliaqarnissamut pilersaarutaanni, sulinermi malinneqartumi ilaatigut ima allassimasoqarpoq:

- *"Naalakkersuisooqatigiit soraarnerussutisianik aaqqissuusseqqinnermik suliaq aallartinniarpaat. Aaqqissuusseqqinnermi pisortat ingerlatsinerisa ajornaannerulernissaanik tamatigoornerulernissaanillu anguniagaqarneq taparserneqassaaq. Soraarnerussutisianik aaqqissuusseqqinnermik soraarnerussutisiaqarneq pillugu inatsimmik innuttaasunut paasiuminartumik innuttaasullu namminneq toqqaasinnaanerat ilanngullugu pisortat nappassinnaasumik aningaqaqarnerannik pisariaqartitsinnermik oqimaaqatigiissitsisumik nutaamik kinguneqassaaq.*
 - *2025-mi ukiakkut ataatsimiinnermi Soraarnerussutisiaqarnissamut aaqqissuusinnermut pinngitsoorani ilaanissaq pillugu Inatsisartut inatsisaata (SAP inatsit) allanngortinneqarnissaa pillugu siunnersuummik saqqummiussisoqassaaq. Allanguut ilaatigut tjenstemandit sulinermi isertitaasa tamarmi ileqqaartussaannermik naatsorsuinnermut ilannginnissaat, ilaatigut ileqqaartussaannermik naammassinninninnginnermik innuttaasut skattekortimi ilanngaanermik procenti qaffanneratigut akiliisoqartariaqannginnera anguniarneqarput. Suliaq tulluuttumut attuumassuteqarpoq;*
 - *Suleqatigiissitaliamik immikkut ilisimasalinnik ilaasortaqartumik soraarnerussutisiaqarnermik aaqqissuusseqqinnermut inassuteqaateqartussamik 2025-p ingerlanerani pilersitsisoqassaaq. Inassuteqaatit 2026-mi politikkikkut isumaqatigiissuteqarnermut tunngaviussapput. Isumaqatigiissut piffissap qinigaaffiup naannginnerani pisariaqartunik inatsisinngortinneqassaaq. Immikkut ilisimasallit sulineranni sinaakkutinik sukumiinerusunik tamassuminngalu nangitseqqiinissamik imalimmik Naalakkersuisut isummernissaannut tunngavissiamik piaartumik suliarineqartussamik saqqummiisoqassaaq Isummernissamut tunngavissiaq Isumaginninnermut, Suliffeqarnermut il.il. Naalakkersuisoqarfik peqataatillugu Aningaasaqarnermut Akileraartarnermullu Naalakkersuisoqarfimmit suliarineqassaaq."*

Allaffeqarfiup suliassat allattorneqartut suliaralugit ingerlappai.

6. Katersisussaataitanerup atorunnaarsinneqarnissaa pissappat nunatta kommunillu karsiinut tamanna qanoq aningaasannorlugu sunniuteqassava?

Akissut:

Apeqquut 3 aamma 4-mut akissut takuuk.

Namminersorlutik Oqartussat utoqqalinermi soraarnerussutisiat meeqqanullu tapit, kontu pingaarnermut 31.03.08 Utoqqalinermi pensionisiat ilaasuni aningaasartuutit 90

procentii akilertarmatigit, ilanngullugu oqaatigineqassaaq. Kommunit taakkununga aningaasartuutit sinneri 10 procentit aningaasalersortarpaat.

7. Naalakkersuisut ileqqaartussaataitaanerup pitsaaqutaanik taasaqarsinnaappat?

Akissut:

Soraarnerussutisiaqalernissamut aaqqissuussinermut peqataasussaataitaaneq pillugu inatsit arlalinnik pitsaaquteqarpoq. Aaqqissuussinikkut amerlanerit *nammineq* soraarnerussutisiaqalernissaminut ileqqaartarnerannut qulakkeerinneqataavoq. Tamanna soraarnerussutisiaqalernissamut akornanni aningaasaqarnikkut piitsuunermik pinaveersimatitseqataallunilu toqqaannanngitsumik utoqqaat akornanni naligiinnginnermik annikillitseqataavoq.

Soraarnerussutisiaqalernissamut aaqqissuussinermut peqataasussaataitaaneq pillugu inatsimmik nalilersuinnermi eqqaaneqartumi inuit aaqqissuussinermi tassani ukiut 40-t sinnerlugit soraarnerussutisiaqalernissamut aaqqissuussinermut peqataasussaataitaanerup ileqqaagaqartut, agguaqatigiissillugu isertitassa atugassat, inunnut taamaattumik ileqqaagaqanngitsunut sanilliullugit qaammammut 10.900 kr.-nit (2022-mi kisitsisit) 12.500 kr.-nut (2022-mi kisitsisit) qaffannissaasa ilimagineqarnerat ilaatigut naatsorsorneqarpoq. Taanna isertitanik atugassanik qaammammut 1.600 kr.-t – imaluunniit 15 procentit - missaannik (2022-mi kisitsisit) qaffannissaannik naleqarpoq.

Sunniut inunnut soraarnerussutisiaqalernissamut aaqqissuussinermut peqataasussaataitaanerup atuutinngissinnaanerani annikitsunik ileqqaarsinnaasunut annertunerpaasussaavoq. Inuit isertitanik 0-4 procentiinik allatut ileqqaaruteqartut taamaallutik isertitanik atugassanik qaammammut 2.400 kr.-t – imaluunniit 25 procentit - missaannik (2022-mi kisitsisit) qaffariartoorsinnaapput.

Tamatuma saniatigut Soraarnerussutisiaqalernissamut aaqqissuussinermut peqataasussaataitaaneq pillugu inatsimmi pisortat aningaasaqarnerisa nukittorsarnissaat siunertaavoq, tak. aamma apeqqu 3-mut akissut.

8. Naalakkersuisut siuliisa aningaasanut inatsimmi 2025-imoortumi isumaqatigiissutaanni allassimasuni, tunngaviusumik aallaavigalugit aaqqiissutissat suliarineqassappat?

Akissut:

Taanna immikkut ilisimasallit taaneqartut soraarnerussutisiaqartitsinnermik ataatsimoortumik aaqqissuusseqqinnissaanni ilaassaaq, tak. aamma apeqqu 5-imut akissut.

9. Naalakkersuisut allanik taasarialinnik peqarpat?

Akissut:

Suliaqarnissap eqqartorneqartup innera ilaatigut paasissutissanik attuumassuteqartunik itisiliisunik pissarsinnermik kinguneqassaaq, tassani soraarnerussutisiaqartitsinnermik aaqqissuussinermik ataatsimut allannguisinnaanerup sunniutinik naatsorsuinerit nutarterineri ilanngullugit taamatullu aamma soraarnerussutisiaqalernissamut aaqqissuussinermut peqataasussaataitaaneq pillugu inatsimmut imminermut tunngatillugu.

Tassaniissaaq soraarnerussutisiaqartitsinermik inatsimmi taamatut allannguineri innutaasullu ukiumikkut katitigaanerisa ineriartornerannut tunngatillugu assigiinngitsunik allatut periarfissanut taamatut allannguinnissamut siunnersuutit kingunerannik pisortat aningaasaqarnerata attassinnaassusianut tunngatillugu kinguneqaataasumik naatsorsukkat nutartikkat ilaassapput.

Taamaammat Naalakkersuisut Aningaasaqarnermut Akileraartarnermullu Ataatsimiititaliaq suliap taassuma ineriartorneranik naapertuuttumik ilisimatittassavaat, tassani immikkoortumi ilisimasanik paasissutissanillu nutaanik aamma peqartoqalerneraangat.

Inussiarnersumik inuulluaqqusillunga



Múte B. Egede